

## **“O‘zkimyosanoat” aksiyadorlik jamiyati yagona aksiyadorining 11-son qarori**

2022-yil 8-fevral

Toshkent shahri, Shayxontohur tumani, Navoiy ko‘chasi, 38-uy.

### **KUN TARTIBI:**

1. “O‘zkimyosanoat” AJ yagona aksiyadori tomonidan qo‘shimcha chiqarilayotgan aksiyalarni joylashtirishda imtiyozli olish huquqidan foydalanmaslik to‘g‘risida.
2. “O‘zkimyosanoat” AJning qo‘shimcha aksiyalarini chiqarish orqali ustav kapitalini oshirish to‘g‘risida.
3. “O‘zkimyosanoat” AJning aksiyalar qo‘shimcha chiqarilishi to‘g‘risidagi qarorini tasdiqlash to‘g‘risida.

### **Kun tartibidagi masala yuzasidan qaror qabul qilindi:**

1. O‘zbekiston Respublikasi Prezidentining “Kimyo sanoati korxonalarini yanada isloh qilish va moliyaviy sog‘lomlashtirish, yuqori qo‘shilgan qiymatli kimyoviy mahsulotlar ishlab chiqarishni rivojlantirish chora-tadbirlari to‘g‘risida” qarori ma‘lumot va ijro uchun qabul qilinsin.

2. “O‘zkimyosanoat” AJ tomonidan qo‘shimcha aksiyalarni chiqarish va joylashtirish orqali jamiyat ustav kapitalida uchinchi shaxs – O‘zbekiston Respublikasining Tiklanish va taraqqiyot jamg‘armasi ulushi shakllantirilishi hamda jamiyat aksiyadorlari tarkibiga kirishi ma‘qullansin.

3. “O‘zkimyosanoat” AJ yagona aksiyadori – O‘zbekiston Respublikasi Moliya vazirligi tomonidan qo‘shimcha chiqarilayotgan aksiyalarni joylashtirishda imtiyozli huquq qo‘llanmasin.

4. “O‘zkimyosanoat” AJning nominal qiymati 1 145 so‘mdan bo‘lgan 330 226 032 (uch yuz o‘ttiz million ikki yuz yigirma olti ming o‘ttiz ikki) dona umumiy qiymati 378 108 806 640 (uch yuz yetmish sakkiz milliard bir yuz sakkiz million sakkiz yuz olti ming olti yuz qirq) so‘mlik egasining nomi yozilgan oddiy qo‘shimcha aksiyalarni chiqarish va joylashtirish tartibi hamda shartlari quyidagicha belgilansin:

Aksiyalar turi oddiy egasining nomi yozilgan;

Aksiyalar chiqarilishining shakli hujjatsiz;

Aksiyalarning nominal qiymati 1 145 (bir ming bir yuz qirq besh) so‘m;

Aksiyalarning soni 330 226 032 (uch yuz o‘ttiz million ikki yuz yigirma olti ming o‘ttiz ikki) dona;

Chiqarilishning umumiy hajmi 378 108 806 640 (uch yuz yetmish sakkiz milliard bir yuz sakkiz million sakkiz yuz olti ming olti yuz qirq) so‘m;

Aksiyalar yopiq obuna usulida O‘zbekiston Respublikasining Tiklanish va taraqqiyot jamg‘armasiga joylashtiriladi;

Aksiyalarni joylashtirish qo‘shimcha aksiyalar chiqarilishi to‘g‘risidagi qaror davlat ro‘yxatidan o‘tkazilgan kundan boshlab 90 kundan kechiktirmasdan amalga oshiriladi;

Aksiyalarni joylashtirishni boshlash sanasi – qo‘shimcha aksiyalar chiqarilishi davlat ro‘yxatidan o‘tkazilgan sana hisoblanadi;

Aksiyalarni joylashtirishni tugatish sanasi – ushbu chiqarilishning oxirgi aksiyasi joylashtirilgan sana, lekin davlat ro‘yxatiga olingan sanadan 90 kundan oshmasligi lozim;

Aksiyalar qimmatli qog'ozlarning birjadan tashqari uyushmagan bozorlarda to'g'ridan-to'g'ri bitimlar tuzish va Qimmatli qog'ozlarning markaziy depozitariysida ro'yxatdan o'tkazish yo'li bilan joylashtiriladi;

Ushbu chiqarilishdagi aksiyalarni joylashtirishda yagona aksiyador imtiyozli huquqni qo'llamaydi;

Aksiyalar 5 950 (besh ming to'qqiz yuz ellik) so'm 48 tiyindan joylashtiriladi.

Jamiyat aksiyalarining kotirovka narxi mavjud bo'lmaganligi sababli aksiyalarni joylashtirish narxi mustaqil baholovchi tashkilot "Elektron baholash" MCHJ jalb qilingan holda aniqlandi.

Aksiyalar uchun to'lovlar O'zbekiston Respublikasi Prezidentining "Kimyo sanoati korxonalarini yanada isloh qilish va moliyaviy sog'lomlashtirish, yuqori qo'shilgan qiymatli kimyoviy mahsulotlar ishlab chiqarishni rivojlantirish chora-tadbirlari to'g'risida" qarorida nazarda tutilgan "Dehqonobod kaliy zavodi" aksiyadorlik jamiyatiga O'zbekiston Respublikasining Tiklanish va taraqqiyot jamg'armasi tomonidan ajratilgan kredit mablag'larining asosiy qismi (qarzi) va unga hisoblangan foizlar hisobidan Jamiyat buxgalterlik balansida tegishli o'tkazmalar orqali amalga oshiriladi.

Aksiyalar chiqarilishi amalga oshmagan deb topilgan taqdirda, ushbu chiqarilishdagi aksiyalar to'loviga yo'naltirilgan mablag'lar tegishli buxgalterlik o'tkazmalar orqali qonunchilikda belgilangan tartibda amalga oshmagan deb topilgan kundan boshlab o'n kun ichida qaytariladi.

5. "O'zkimyosanoat" AJ tomonidan muomalaga chiqarilayotgan qo'shimcha aksiyalarining bir donasini joylashtirish bahosi 5 950 (besh ming to'qqiz yuz ellik) so'm 48 tiyin miqdorida belgilansin.

6. "O'zkimyosanoat" AJning aksiyalari qo'shimcha chiqarilishi to'g'risidagi qarori ilovaga muvofiq tasdiqlansin.

7. "O'zkimyosanoat" AJ boshqaruvi raisi (Mirzamahmudov) aksiyalar qo'shimcha chiqarilishi to'g'risidagi qarorini belgilangan tartibda davlat ro'yxatidan o'tkazish uchun tegishli hujjatlarni Qimmatli qog'ozlar bozorini tartibga solish bo'yicha vakolatli davlat organiga taqdim etilishini ta'minlasin.

*Qaror rasmiylashtirilgan sana: 08.02.2022-yil*